





DIPERANSANG ULIH PENGADANG

Pelajar 7 ke May 18, 2024



"Lebuh utai nya nyadi, genap iku orang deka nyebut, 'Iya endang Allah Taala kitai! Kitai udah manggaika pengarap kitai ba Iya, lalu Iya udah nyelamatkan kitai. Iya nya meh TUHAN! Kitai udah manggaika pengarap kitai ba Iya, lalu diatu kitai lantang sereta rami gaga, laban Iya udah nyelamatkan kitai' "(Isaiah 25:9)



Lebuh utai ke disebut ba jaku nubuatan berengkah nyadi, orang ba serata dunia pen berengkah bepansik sereta ngajar pasal penyemak Penatai Jesus ti kedua.

Sekeda ari orang tu ianya, Johann Albrecht Bengel (1687-1752) ari Germany; Manuel Lacunza (1731-1801) ari Chile; William Miller (1782-1861) ari Amerika Utara; Joseph Wolf (1821-1845) ke ngerembaika berita injil ngagai Africa, Egypt, Abyssinia, Asia, Palestine, Syria, Persia, Uzbekistan enggau India.

Bala sida tu enggau ke bukai, ke sama bela udah nulis, lalu sama datai ba siti simpul jaku ke madah: Jesus deka datai ba tengah abad ti ke 19!

 Penatai Ti Kedua :

 Pengadang ti beberekat.


 Bakani Jesus datai?

 William Miller:

 Bakani nyalin Bup Kudus.

 Timpuh nubuatan.

 Nubuatan 2,300 hari.

The image depicts a religious scene. In the upper half, a large group of angels with white wings and golden halos surrounds a central figure in a white dress, who appears to be the Virgin Mary. They are set against a background of soft, colorful clouds in shades of purple, blue, and yellow. In the lower half, a diverse crowd of people is shown from behind, looking up towards the angels. Many of the people have their arms raised in a gesture of praise or prayer. The overall atmosphere is one of awe and devotion.


PENATAI TI KEDUA

PENGADANG TI BEBEREKAT

"Sekumbang kitai ke nganti pengadang ti beberekat, enggau mulia Allah Taala, enggau Jesus Kristus ti Juruselamat kitai, pegari" (Titus 2:13)

Laban Jesus udah besemaya deka datai baru (*John 14:1-3*), pekara tu udah nyadi utai ke diadang semua orang ke arap datai ke sehari tu (*Titus 2:13*).

Pengadang tu ulih dipeda kitai ayan ba atur pengarap gerija Roman Katholik, pia mega gerija-gerija Orthodox; gerija Anglika mega enda tinggal ngajar pekara tu, lalu ditampung bala sida Luther, Calvin enggau bala orang reformasi ke bukai.



Nama kebuah penatai Jesus ti kedua kali nyadi timpuh ke balat amat dianti?



Nyadi tanda pengujung pemedis, pemerinsa enggau pemat



Reti iya, penyeranta, utai ke nadai lurus, penyai michit orang deka nadai agi



Pengujung laya, penyarut enggau perang



Muka jalai ngagai dunya ke damai, lantang enggau kaul ti meruan begulai enggau Petara

BAKANI JESUS DATAI?

“Laban Anak Mensia deka datai baka kilat ti nyelar ari timur ngagai barat” (Matthew 24:27)

Ba abad ti ke 19, gerija Protestant udah ngerusakka ajar pasal Penatai ti Kedua, lebuah sida ngajar pasal Jesus ti deka numbuhka perintah ti damai ba dunya dalam timpuh 1000 taun (premillennialism), reti ku sida, timpuh seribu taun ke damai deka bisi sebedau Penatai ti Kedua (postmillennialism).

Taja pia, bala orang formasi madahka timpuh seribu taun nya deka nyadi lepas penatai ti kedua kali, lalu penatai ti kedua nya deka:



Segenda. “Aku endang deka datai enda lama da agi” (Pem. 22:20)



Dipeda. “Semua orang deka meda lya” (Pem. 1:7; Mt. 24:27)




Didinga. “Enggau nyawa ti inggar, enggau nyawa tuai melikat, enggau munyi terumpit Allah Taala” (1 Tes. 4:16; 1 Kor. 15:52)



Bemulia. Orang ke mati deka angkat, orang ke idup diubah, lalu kitai deka niki ngagai Tuhan (1 Tes. 4:13-18; 1 Kor. 15:51-55)





**WILLIAM
MILLER**

BAKANI NYALIN BUP KUDUS


"Iya nguji ngajar kitai urup beganti urup, ayat beganti ayat, pelajar beganti pelajar"
(Isaiah 28:10)

Bepelasarka jaku Isaiah (*Isa. 28: 9-10*). William Miller netapka Bup Kudus deka nyadi penyalin iya empu.

Berengkah ari bup Pemungkal, iya belajarka tiap iti genteran, lalu enti iya bisi tetemuka utai ke enda terang, dia iya mutarka penusah nya ari ti bebacha ke genteran-genteran bukai dalam Bup Kudus.

Ngena chara baka tu Roh Kudus meri iya penerang datai ke Bup Kudus tebuka enggau terang ba mua iya.

Lebuh maya iya datai ba genteran jaku nubuatan, iya tetemuka atur nyalin ke sama, ke ulih dikena ba endur nya mega:



Lebuh ke ngena chara nya, dia Miller alit amat ati ba utai ke ditemu iya.



Jelu ngelambangka perintah
(*Dan. 7:17, 23*)



Ribut ngelambangka
pengerusak (*Jer. 49:36*)




Ai ngelambangka orang
mayuh (*Pem. 17:15*)



Indu ngelambangka gerija
(*Es. 23:4; 2 Kor. 11:2*)



Hari ngelambangka taun
(*Num. 14:34; Ezek. 4:6*)




TIMPUH NUBUATAN

"Ku ninga melikat nya nyaut, 'Utai tu deka majak nyadi 2,300 lemai enggau 2,300 pagi lebu piring nya diberi. Uдах nya baru Rumah Sembiang nya deka digaga baru' " (Daniel 8:14)

Lebu timpuh Miller menya, orang mayuh nganggap dunya tu meh ke nyadi Rumah Sembiang, ari nya iya nyimpulka nubuatan pasal dunya tu ti deka dituchi (*Dan. 8: 14*) beserambau enggau maya Penatai Jesus ti Kedua kali.

Iya madahka Gabriel udah nerang ngagai Daniel semua penerang pasal genera nya:



Bedus lelaki = Media enggau Persia (*Dan. 8:20*)



Kambin = Grika (*Dan. 8:21*)



Tanduk ke patah = Alexander enggau orang ke nukar iya (*Dan. 8:21-22*)



Tanduk mit = Rome, ba fasa politik enggau agama (*Dan. 8:23-25*)



Nya alai, the 2,300 hari lalu enda diterangka (*Dan. 8:26-27*).

Berapa taun lepas nya, Gabriel sekali agi datai laban deka nerangka pekara nya ngagai Daniel (*Dan. 9:21-23*). Iya madahka bisi timpuh ke udah ditetapkan tauka ditetak ke "berengkah ari maya meri atur ngaga Jerusalem baru" (*Dan. 9: 24-25*). Enti sema Miller tetemuka atur tu, iya tentu deka tetemuka maya alai 2,300 hari/taun tu deka berepun.

NUBUATAN 2,300 HARI

"Nuan, Esra, ngena penemu-dalam ti udah diberi Allah Taala ngagai nuan, enda tau enda ngeletak orang ke bejalaika pengawa perintah enggau nyadi hakim ngambika sida bisi merintah semua orang ke diau di Barat Eupratis, ti diau nitihka Adat Allah Taala nuan. Nuan enda tau enda ngajar Adat nya ngagai sebarang orang ke enda nemu Adat nya" (Ezra 7:25)




Ba taun ti ketujuh perintah Artaxerxes, rajah menua Persia, bisi siti dekri keluar ke ngasuh Esra datai ngagai Jerusalem enggau kuasa autonomy ke chukup ngambika bisi dikena iya nyeruri nengeri nya (Esra 7:7, 11-14, 20-21, 24-25). Pekara tu nyadi ba taun 457 BC.

Nitih ke dipadah ba nubuatan 70 minggu, nengeri Jerusalem deka diseruri dalam timpuh 49 taun, nya alai agi bisi 434 taun ke alai timpuh tu deka tembu ba penatai Mesiah (*Dan. 9: 25*). Enti timpuh tu dikira, dia baptisa Jesus deka nyadi ba taun 27 AD, lalu 70 minggu tu deka padam ba taun 34 AD.

Lebuh nubuatan tu disegulaika sekali, dia Miller lalu netapka Penatai Jesus ti Kedua kali deka nyadi dalam taun 1843.

Lepas iya ngasaika diri, enda terundingka dalam sejarah nadai taun kusung, ari nya iya lalu netapka Penatai Jesus deka nyadi ba taun 1844.



NUBUATAN 2,300 HARI

"Tujuh kali tujuh puluh taun nya meh pengelama ti udah diletak Allah Taala kena Iya ngelepaska bansa nuan enggau nengeri kita ke kusus tu" (Daniel 9:24)

"Nyentuk ngagai dua ribu tiga ratus lemai enggau pagi, nya baru rumah sembiang dituchi."



457 BC

Dekri
Artaxerxes

408 BC

Digaga baru

70 minggu
490 taun

27 AD

Jesus
diurap
(dibaptisa)

31 AD

Jesus
diregang

34 AD

Stephen
dituku
ngena
batu

Injil
ngagai
orang
kapir

1844 AD

Rumah
Sembiang
dituchi

“Siti ari batang pemendar ke pemadu besai ke dipadah dalam Bup Kudus ianya pasal Penatai Kristus ti kedua kali, lalu tuju tu endang dikena nembuka pengawa penebus ti besai bendar. Ngagai bala nembak Tuhan ke ngampar, ke lama amat udah bejalai ba kelemayang pemat, pengadang ke meri peransang udah disemaya ngagai sida ba Iya ti deka pegari, Iya ti pengangkat enggau pengidup, deka mai pulai bala nembak Iya. Ajar pasal penatai ti kedua tu endang nyadi ke rambai jaku dalam Bup Kudus.”

EGW (The Great Controversy, lambar 299)



“Utai ti enda tau enda dikereja kitai meh pasal utai ti deka nyadi dudi hari. Diatu kitai enda tau enda taluk ngagai pengawa ke udah diserah ngagai kitai. Diatu kitai rinduka Allah Taala enggau pengabis ati, lalu rinduka orang bukai baka rinduka diri empu. Diatu kitai enda tau enda ngelaban penguji ari munsuh, lalu bulih pemenang ari pengasih Kristus. Nya alai kitai patut bejaga lalu nganti penatai Kristus. Genap hari kitai patut idup baka nya meh hari ti penudi kitai idup ba dunya. Enti kitai nemu Kristus deka datai pegila, enda ke kitai deka enggau naka ulih ngemenuhka diri empu sehari tu enggau semua jaku ke manah pia mega pengawa ke nadai ngerunding diri?”